

եւ ամբոխն սկսեալ թէ ի սորայ հետ մեծագոյն չար կայ, որպէս այն չար և ի բնէ սատանայ Էսիլի թոռն, զնա այլ բերէք թէզ և շուտով, որ զսոյն արասցուք և զպատիժն տացուք: Եւ Տէրտէրն իմ և Յարութիւնն զայն մոռցուցին ասելով թէ Զնորա պատիժն տեսեալ եմք և տեսանելոց եմք յետ աւուրցս ինչ: Եւ նոյն ժամայն ել դադտ արտաքս չարն Կարապետ և խորհուրդ արարեալ ընդ Յովանէս երիցուն մեծի թէ Դու երաշխաւորեա՛ որ տամ ձեռագիր սոցա թէ Այլ չառնեմ զգործս, և բարեխօսեա՛յ առաջակայ իշխանացն. և եկեալ նա և ասացեալ Ա. Բ. հոգոյ, ելին ի դուրս. և գրեալ էր թէ Ես այս ինչ՝ այլ այսպիսի գործոյ մէջն չխառնիմ, ինչ որ ասինք հետ Էսիլի տղին և Ճիհէն տէմին, այլ նոցա հետ չը խօսիմ, և թէ խօսիմ կամ խառնիմ, հախէս եկէք: Եւ զայս տեսեալ ամբոխին՝ ծիւ ծիւ արարեալ զթուղթն եւ ի յերեսն ձգեալ թէ Մեզ ձեռագիր չպիտի: Եւ ի պահուս եկն Տէր Յակոբն գոռալով եւ աղաղակելով թէ Չը գտայ, մարդի՛ք, չգրտեմ թէ ո՛ւր է գրել¹⁾ հիւճէթն. և նոքա հաւատացին. և ասացեալ ամբոխն՝ Թո՛ղ, չի պիտի, մեք առանց հիւճէթի կու տանիմք զդա և գրել կու տամք թէ Մեզ պարտի ձ զուռուչ և դնեմք ի բանտ, մինչև գայ Աստուածատուր վարդապետն: Եւ մի կողմն ամբոխին զայն ասացողսն նախատեցին թէ Վասն է՞ր պահեմք, այլ տանիմք վկայիւք թէ Չար է և չարագլուխ, ի մեր մէջն չենք զապուլ աներ. գրել տանք ի թին կամ քչենք ի հեռու: Եւ ոմանք ասացին թէ Մինչև ի կենաց չի բարձուի, այլ չարեացն խրատ չի լինիր: Եւ ըմբռնեալ զսա տանել, և ժողովուրդն երթայր զկնի և ընդ առաջ, և տարան մինչև ի դարագլուխն Ֆիլսաբային, և ինքն ասէր թէ Տամ ձեռա-

1) որ.